



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Dvbivm Tertivm principale. Quid remedij esse potest, quando aliquis locus ita molestatur, aut vexatur à spiritibus, an aliqua potestate valeant pelli?

urn:nbn:de:hbz:466:1-41113

ea instructi faciunt apparere numerum militum, ut quandoque narratum est, aut sunt prestigia, aut Dæmones sub forma militum euocati ex pacto, quod Magus habet cum superiori Dæmoni, cuius imperio alij subsunt. Nec etiam tales equites aut milites tam damnabili arte in campum ducti vulnerant, aut vulnerantur. Quia si nocere possent, vt Guilhelmus Parisiensis in parte ultima de vniuerso, cap. 22. ait, nulla turris, nulla munitione posset homines tueri ab huiusmodi hostibus, cum nec muro, nec valle quantumcumque fortis arctari & prohiberi possint, saltem aliqua hora, qua homines dormierint, aliquos iugulassent.

DUBIVM TERTIVM principale.

Quid remedy esse potest, quando aliquis locus ita molestatur, aut vexatur a spiritibus, an aliquam potestate valeant pelli?

PRAEMISSO eo, quod certissimum est: dæmonem nihil posse sine permissione Dei, in cuius potestate est eum soluere & ligare, præsens dubium per conclusum plenius resolutum erit.

Prima Conclusio. Quæ remedia valent ad expulsionem Dæmonis à corporibus obsessis, ea etiam profunt ad expellendum à loco, Quia est pàr ratio.

Secunda Conclusio. Oratio, ieiunium, Eleemosyna, & alia pænitentia opera valent ad expellendas huiusmodi molestiones.

CONSTAT Matth. 17. & Marc. 9. Hoc genus non eicitur, nisi per orationem & ieiunium. & cap. Si per sortiarias. 33. q. 1.

Tertia Conclusio. Sacrificio Corporis Christi, quod Ecclesia Catholica ab initio usque in præsens tempus, Missam vocavit, huiusmodi vexationes quandoq; peluntur.

EST S. Augustini lib. 22. de Ciuit. Dei. ca. 8. Vir tribunitius Hesperius, qui apud nos est, inquit, habet in territorio Fussalensi fundum Cupedi appellatum, ubi cum afflictione animalium & seruorum suorum, domum suā spirituum malignorum vim noxiam perpeti comperisset, rogauit nostros, me absente presbyteros, vt aliquis eorum illò pergeret, cuius orationibus cederent. Perrexit unus, obtulit ibi sacrificium Christi, oras quantum potuit, vt cessar-

vt cessaret illa vexatio, Deoq; protinus miserrante, cessauit. Idem conuincitatio. Non est enim conuentio lucis ad tenebras, secundum Pauli sententiam. At in sacrificio missæ introducitur lux vera: pellit ergo principem tenebrarum. Cùm enim fortior ille superueniens LUC.15. vicerit eum, vniuersa arma eius auferet, in quibus confidebat. Ad idem confirmandum facit consuetudo Ecclesiæ, cuius meminit S. Chrysost. hom.3. de incompræhensibili DEI natura contra Anomæos, quod agitati Dæmonij tempore Missæ adducatur, & hom.4. ibidem eiusdem consuetudinis meminit. Quare eadē consuetudo adhuc hodie magna cum laude & fructu seruatur apud S. Huberturn in Ardenna, qui locus omnibus Dæmonibus terribilis est, cùm plurimi ibidem expellantur. Tempore sacri Energumeni ad Ecclesiam deferuntur, & ibidem relinquuntur, donec sacrificium absoluatur.

Quarta Conclusio. Reliquiae sanctæ positiæ in loco, aliquando etiam pellunt tales vexationes & perturbationes.

AVGVSTINVS loc. citat. Quare subiungit, dicendo. Acceperat autem ab amico suo terram sanctam de Hierosolymis allatam, ubi sepultus est CHRISTVS, die tertio resurrexit, eamque suspenderat in cubiculo suo,

H 5 ne

ne quid malo etiam ipse pateretur. At ubi domus eius ab illa infestatione purgata est, quid de terra illa fieret, cogitabat: quā diutius in cubiculo suo reuerentiae caussa habere nolebat: Forte accidit, ut ego & collega tunc meus Episcopus Syncensis Ecclesiae, Maximinus, in proximo essemus, ut veniremus rogauit, & venimus. Cumque nobis omnia retulisset, etiam hoc petiuit, ut infoderetur alicubi, atque ibi orationum locus fieret, ubi etiam possent Christiani ad celebranda, quæ Dei sunt, congregari. Hæc Augustin. & Act. 19. sudaria & semicinctia Pauli posita super languidos, spiritus nequam pellebant. S. Chrysostom. in lib. contra gentiles de vita S. Babylœ martyris & Antiocheni Episcopi post multa, ait. Ea est enim sanctorum potestas, ut illorum superficium dæmones, ne umbras quidem, aut vestes ferre possint, vita autem functorum loculos quidem reformidant. Ad idem propositum ad fert alia hom. 66. ad populum Antiochenum. & in serm. in adorationem venerabilium catenarum & gladij S. Apostolorum principis, Petri, & in serm. de virtutibus & virtutis. Hieronym. contra Vigilantium sacrarum reliquiarum hostem. Gregor. Nazianze. orat. in laudem S. Cypriani martyris. Huc referri potest quod historiarum scriptores tradunt, quod cum Julianus apud Pythium Daphnæum responsa peteret de Parthici belli victori-

ria, Dæmon responsa dare nequibat. Sacerdotes Dæmonis silentij caussam reddunt: Babylæ martyris sepulchrum propè assistere: & ideo responsa non redi. Sic Julianus iusfit corpus transferri. Huius historiæ meminerunt Eusebius lib. 10. historiæ Ecclesiasticæ cap. 35. Tripartita lib. 6. cap. 31. Theodor. lib. 3. cap. II.

Simeon Metaphrastes apud Surium tom. 2. in vita S. Theodori Archimandritæ meminit hunc sanctum ad instantiam Theodori ducis regij, cuius ædes maximè ab immundis spiritibus vexabantur, ita ut cum domestici pranderent, aut cœnarent, lapides super mensam iacerentur, tantaq; molestia Dæmonum sub murium & serpentium forma domus affiebatur, ut præ formidine in eam ingredinō auderet, in hunc modum ab illa perturbatione & diabolica vexatione liberasse. Domum seruus Dei ingressus, totam noctem psallendo & Deum obsecrando traduxit: & aqua, cui benedixerat, totam domum aspergens, eam à Dæmonum tentatione liberauit.

Quinta Conclusio. *Exorcismis sive exorcizatione Dæmones etiam effugantur, & expelluntur.*

Exorcizare autem nihil aliud est, secūdum August. lib. 1. de vita beata, quam per diuinam

124 DE CONFESSIONIBVS

uinam virtutem immundum spiritum adiu-
rando expellere. Probatur Conclusio Luc. 19.
discipuli septuaginta duo à prædicatione re-
uersi, cum gaudio Saluatori dixerunt: Domi-
ne, etiam Dæmonia subiiciuntur nobis, & hoc
etiam Christus Marc. vlt. promisit futurum.
In nomine meo Dæmonia ejicient. Luc. 11. Si
ego in digito Dei ejicio Dæmonia: filij vestri,
in quo ejiciunt? & Actor. 19. Idem determina-
tur in cap. Si per fortiaras. 33. q. i. August. lib.
10. de Ciuit. cap. 22. statim à principio. Vera
pietate homines Dei, aëream potestatem ini-
micam contrariamq; pietati exorcizando ej-
ciunt, non placando, omnes tentationes ad-
uersitatesq; eius vincunt, non orando ipsam,
sed suum Deum aduersus ipsam. Non eni-
liquem vincit, aut subiugat, nisi societate pec-
cati. In eius ergo nomine vincitur, qui homi-
nem assumpsit, egitque sine peccato, vt in ipso
sacerdote & sacrificio fieret remissio peccato-
rum, id est, per mediatorem Dei & hominum,
hominem Christum Iesum. Atq; hoc est quod
in Euangeliō dictum, in nomine meo Dæmo-
nia ejicient. Sic legitur Ioannem Euangelistā
Dæmonem è Diana templo, qui iam ducentis
& quadraginta nouem annis ibi habitauerat,
propulsasse his verbis. Interdicto tibi in nomi-
ne Iesu Christi Nazareni, ne vltra hīc habites:
& confessim reliquit locum. Lactantius lib. 2.
de erroris origine, cap. 16. exorcismi & adiura-

tio-

tionis in nomine Deivim in expellendis dæmonibus fatetur. De exorcismo autem, qui Baptismo præmittitur, scribunt sancti Patres, August. lib. 2. de nupt. & concupisc. cap. 18. & 29. & lib. 4. de Symbolo ad catechumenos, c. 1. Chrysost. in hom. de Adam & Eva, Dionys. c. 2. Ecclesiasticae hierarchiæ. Raban. lib. 2. de institut. clericor. cap. 27. Isidor. lib. 2. de officijs Ecclesiast. cap. 20. S. Thomas 3. part. q. 71. art. 2. & 3. & alij alibi.

Sexta Conclusio. *Verba exorcismorum non habent ita infallibilem vim & efficaciam ad cogendum & arcendum Dæmones, ut semper suum effectum consequantur.*

RATIO esse potest: Quia verba & signa ex sua natura non habent talem efficaciam, sed virtute diuina. Deus autem lege ordinariæ non alligauit potestatem suam ita sacramentalibus, ut infallibiliter operentur, sed operatur ad gloriam suam, & utilitatem credentium. Matth. 17. & Marc. 9. Accesserunt discipuli ad Iesum secretò, & dixerunt: quare nos non potuimus eū cōcere illum? Dixit illis Iesus: Propter incredulitatem vestram, &c. & Act. 19. Quidam de Iudæis exorcistis inuocabant super eos, qui habebant malos spiritus, nomen Domini Iesu, dicentes. Adiuro vos per Iesum, quē

Pau-

Paulus prædicauit. Respondens autem spiritus nequam, dixiteis. Iesum noui, & Paulum scio. Vos autem qui estis? Et insiliens in eos homo, in quo erat Dæmonium. Super hac conclusione videndus Victoria in relectione de arte magica.

Septima Conclusio. *Quod exorcismi non consequantur suam vim, quandoque prouenit ex mala dispositione & defectu spiritu dei in exorcizante, quandoque ex prava affectione Dæmonium sustinentis.*

HANC conclusionem docent Petrus Cluniacensis lib. I. de miraculis cap. 6. & cap. 14. & 16. Doctores Mallei maleficarum. 2. part. q. 2. cap. 6. Iosephus Angles in q. de arte magica diffic. s. dub. s. & alij alibi. Prima pars constat ex locis Scripturæ in sexta conclusione citatis. Secunda probatur. Matth. 19. increpauit Salvator incredulitatem offerentium lunaticum: Et redditur ratio Conclusionis à Petro Cluniacensi. Tabes latente interius, vnguentia exhibita extrinsecus nihil proficere possunt. Tabes h̄c dicitur peccatum mortale. Quod quām diu in latebris conscientiæ latuerit, nullius exterius sacramenti perceptio effectum consequitur.

Octau

Oc̄taua Conclusio. Interdum permit-
tit Deus Dæmonem operari.

AD exercitium bonorum, vt in fide con-
firmentur, & in virtute patientiæ confor-
tentur, negrauius iudicium sustinere cogan-
tur. Augustinus Tractat. 7. in Ioann. Hinc non
voluntas eius, cuius potestas in bonos datur,
sed eius voluntas, à quo hæc potestas confer-
tur, charissima esse debet. Occulta sunt etiam
quandoq; iudicia in his operibus.

Nona Conclusio. *Ab angelis bonis
etiam quandoq; coguntur Dæmones.*

VICTORIA in Relectione de arte Magica
num. 22. Quia angeli boni virtute diuina
prævalent, & Angeli ex superioribus etiam
potestate naturali vincunt multos Dæmones
inferiores. Quare vt S. Thomas tradit in qq.
de potentia Dei q. 6. ad ordinem potestatum
spectat, Dæmones cogere. Et hoc pacto angeli
tutelares & custodes non raro arcent dæmones
à suis clientibus: & præsides prouinciarum
frequenter impediunt, ne nocumenta infe-
rant certis locis in agris & fructibus, & alijs
bonis.

Decima Conclusio. *Magi virtute
diabolica possunt aliquando Dæmones cogē-
re, & è suis sedibus expellere.*

CON-

CONSTAT Conclusio, Dæmones Deo
permittente possunt, ut apertum est ex il-
la calumnia Iudæorum. Luc.ii. In Beelzebub
principe Dæmoniorum ejicit Dæmonia. Hec
autem coactio Magorum, non ascribenda est
virtuti alicui naturali, aut verbis Magi: quia
verba huiusmodi, & signa cùm sint de genere
rerum inferiorum, non habent ullam potesta-
tem in Dæmonem, cui nulla potestas in terris
potest comparari. Magi autem sic cogunt,
quando habent fœdus & pactum cum supe-
riori Dænone, qui fortitudine & naturali
virtute vincit inferiorem. Ad imperium for-
tioris inferior morem gerit, & locum relin-
quit. Quod autem superior & fortior spiritus
inferiorem cogere possit, & expellere per im-
perium, docent Cassianus in collatione 8.
cap.14. S. Augustin. lib.83. quæstion. q. 79.
S. Thom. in 3. part. q. 43. art. 2. ad 3. Albertus
Magnus, & Dionys. Carthus. in Luc.ii. Ioan. à
Turrecrem. in qq. Euangel. q. i. Domin. 3. in
Quadragesima. Francif. Victoria in relect. de
arte mag. Iosephus Angles in Florib. in 2. sent.
1. part. d. ii. in q. de eadem materia. Benedictus
Pererius li. i. de magia, cap. 5. & alij alibi. Huic
autem verissimæ doctrinæ obstare videtur
argumentum Saluatoris nostri Matth. 12. &
Luc.ii. Si Satanas Satanam ejicit, aduersus se
diuisus est: quomodo ergo stabit regnū eius?
Respondetur, Christum loqui de perfecta
eiectio-

electione Dæmonis ab homine, hoc est, tam ex corpore, quam ex anima: vel de expulsione nata ex odio Dæmonis, & studio euerten- di imperium quod habet in homines. Atq; se- cundum modum huius Conclusionis vide- tur magus Dæmonem expulisse, de quo Lu- cianus in Dialogo Philopseude narrat, Corin- thi domum quandam habuisse Eubatidem, in qua nemo auderet habitare ex ea caussa, qd' habitatores spectris quibusdā territi à Dæmo- ne quodā ita molestarietur, vt eam præ nimio terrore & periculo ingredi non fuerint ausi, donec Arignotus quidam Platonicus Magicis & Aegyptijs quibusdā carminibus Dæmonē illum in locum quendam detruserit, à quo primū exierat. Arignotum varijs imaginib[us] territare conatus, quandoq; vt canis, nunc vt leo, vēl taurus ipsum inuadens, quo quide loco die sequenti defosso, corpus hominis mortui repertum est, eoque alibi sepulto, domus illa libera deinde ab huiusmodi elusio- nibus permanxit. Hic dubium resolvi po- test.

An Dæmones à corporibus obseßis, vel à ve- xatione possint propelli virtute melodiar, herbe alicuius, aut lapidum?

TRACTANT Nicolaus Lyranus in cap. 16. primi Regum. Paulus Burgen. ibidem in additionibus, Ioan. à Turrecr. d. i. can. Voluis-

I sent,

sent. §. Denique ut perspicue. Guilhelm. Paris.
in 2. part. par. 2 principal. de vniuerso, cap. 20.
Ioseph. Angles in q. de arte magica, diff. 8. & a.
lil alibi. Pro resolutione sit.

Vndecima Conclusio. Dæmon non
potest à corporibus obfessis expelli, aut à ve-
xatione excludi melodia, herba aliqua, aut
lapidis, alterius siue rei sensibilis virtute.

RATIO est. Dæmon est substantia separata
à materia & corpore, eiusque potestas al-
tior & fortior est omni corpore. Minorau-
tem potestas non habet vim agendi in supe-
riorem. Quare nullares sensibilis & corpora-
lis virtute sibi à natura indita, potest cogere
Dæmones. Hanc Conclusionem tenent Lyra-
nus, Turrecrem. Iosephus Angles loc. cit. Pel-
bartus in aureo Rosario Theologiae, in verb.
Dæmones 4. §. 83. Albert. super Luc. 9. Quod
verò Richardus de media villa in q. 3 q. 8. exi-
stimat tam parvam posse contingere Dæmo-
nis afflictionem, tantamq; esse lapidis aut her-
be virtutem, vt non solum mitigare, sed pro-
fus etiam tollere possit Dæmonis afflictionem:
Id verū puto, si intelligatur de vexatione exte-
rius impugnantis, & non obſidentis. Sienim
mania, aut melancholia, vt contingere potest,
impugnat, aut vexantis malitiā promoueat,
si naturalibus medijs talis indispositio tol-
latur,

Iatur, non est absurdum, quod etiam omnino possit cessare vexatio.

Duodecima Conclusio. *Melodia, herba, lapis, aut aliquæ res sensibiles possunt Dæmonis vexationes indirecte mitigare, & lauiores reddere, ita ut vexatias minus sentiant.*

HAEC Conclusio est communis DD. cl^tatorum. Hoc autem non est difficile. Dæmon tanquam peritissimus medicus corporum complexiones perspicit, & eis perspectis, conuenientes vexationes obijcit. Reperi^s aliquem mania, aut abundanti melancholia laborare, eum inuadit: cùm homines talis complexionis apti sint ad vexationem. Si ergo naturalia remedia adhibeantur, quæ complexionem superantem ritè disponant, & ad æqualitatem reducant, mitigabitur vexatio, nō quidem ex parte Dæmonis vexantis, cum non sit modus naturalis agendi in eum, sed ex parte dispositionis subiecti. Sic cogitationes dissipentur, & abstrahantur aliqua dulci melodia, non sentitur in tanto gradu afflictio, ac quando sensatio sibi præsens est, sic etiam, si purgationibus & medicinis sanguis purgetur, aut cerebrum confortetur, non est dubium, quin fiat aliqua alleuiatio. Dæmon enim cùm non informet corpus quod obsidet, nō est rousus in toto, quemadmodum anima rationalis,

I 2 sed

sed in determinata corporis parte: nunc in colo, quod mirabiliter torquet, nunc in venit, quas motione spirituum & humorum exten- dit, nunc in cerebro, quod aut debilitat spiri- tibus viam intercludendo subtilitate suæ po- tentiæ, aut planè perturbat phantasiam immu- tando. Si ergo corporia afflito remedia ex me dicorum arte præscripta adhibeantur, affli- ctio minuitur. Ex dictis intelligitur, quod in

Matt. 4. C^o

17.

Euangelio de Dæmoniacis Lunaticis refertur. Secundum variam lunæ dispositionem ma- gis vel minus vexantur. Quoniam motus lu- næ agit in humidum cerebrum. Quidam enim tempore crescentis lunæ magis vexantur: Alij decrescente luna, Dæmon enim obseruat o- portunam tentandi occasionem. Ait S. Hiero- nym. in Matth. 4. Dæmones obseruantes lunæ tempora cupiebant creaturam infamare, ut in creatorem blasphemare redudarent. Ad eandem expositionem accedit Orig. in Matth. 17. tract. 3. Scripturæ loca quæ prædictis viden- tur contraria, sic soluenda sunt. 1. Reg. 6. Quan- docunq; spiritus Domini malus Saul arripie- bat, David tollebat citharam, & percutiebat manu sua, & resocillabatur Saul, & leuius ha- bebat. Recedebat enim ab eo spiritus malus. Non enim expulsio Dæmonis siebat virtut melodiæ, sed potestate diuina immediatè, aut mediantibus angelis sanctis, ob meritum Da- vidis, qui laudes diuinas pro salute Saul in d-

than

thara canebat. Sic etiam Tob. 6. de iecore pis-
cis posito super carbones legitur. Non enim
fumus iecoris expulit Dæmonem, sed meritū
orationis Tobiæ, quod per fumum significa-
batur, & Angeli Raphælis virtus. Ex vltimæ
conclusione à contrario infertur, Dæmonem
posse etiam aliquando in homine virtute la-
pidum, aut herbarum, Néo permittente, ten-
tationes accendere & efficere. Quia cùm dis-
positionem tentati cognoscat, potest per con-
tactum lapidum aut herbarum, in quibus ma-
gna virtus est, quam perspicacissimè nouit,
tentationi fomenta præstare, sicut enim de
Smaragdo & Topazio dicitur, quod libidinis
ardorem mitigent. Ita fortasse à contrario erit
alius lapis, qui æstum libidinis augeat. Sic tra-
dunt Alphonſ. Caſtreñ. lib. 14. contra hæreses,
in verbo Tentatio. & Ioseph. Angles in q. vni-
ca de Dæmonibus. 1. part. in 2. ſentent. artic. 6.
dub. 2.

DVBIUM IIII.

*Quid sentiendum de apparitionibus, &
mirabilibus operationibus aliquando con-
tingentibus circa corpora mortuorum?*

SVNT autem huiusmodi apparitiones, ex-
pligatia: Conſeruatio corporum ab inci-
neratione post mortem, augmentum vnguiū,
& barbæ, & capillorum in mortuis, Emanatio
ſanguis